

MOCIÓN DE APOIO Á PETICIÓN DA ANPA COBAS DO CEIP OS TILOS DE SOLICITAR Á XUNTA DE GALICIA A XESTIÓN DO COMEDOR ESCOLAR NO CEIP OS TILOS.

Ao amparo do disposto no artigo 22.2b do Regulamento de Organización Municipal do Concello de Teo, os grupos municipais asinantes, presentan para o seu debate e posterior aprobación, se procede, a moción de apoio á petición da ANPA do CEIP Os Tilos de solicitar á Consellería de Educación da Xunta de Galicia, a xestión do Comedor Escolar do CEIP Os Tilos.

EXPOSICIÓN DE MOTIVOS

Dende a Xunta directiva da ANPA Cobas do CEIP Os Tilos, en agosto do ano 2020, infórmanos da súa decisión de NON ASUMIR a xestión do comedor de dito centro o vindeiro curso 2020/2021, debido ás circunstancias ocasionadas pola pandemia Covid-19, a consecuencia das cales a Administración Autonómica esixe ás Anpas e demais entidades que xestionan os comedores escolares unhas responsabilidades persoais que estes non poden nin deben asumir.

Tras unha Asamblea de pais celebrada o día 18 de agosto de 2020, dende a ANPA, o 24 de agosto remiten un escrito á Concellería de Educación, no que expoñen varias posibles solucións a este tema:

- 1- Convenio de colaboración entre o Concello e a Consellería, e a posterior contratación por emerxencia Covid.
- 2- Asunción da xestión do comedor por parte da Consellería de Educación da Xunta de Galicia.
- 3- Que dende o Concello se asuma para paliar esta situación, un Servizo de Conciliación o cal, agora mesmo está funcionando ata as 15,30 horas.

Unha vez revisada esta petición da ANPA, e consultados os servizos xurídicos, remítese un escrito á mesma, con data 27 de agosto de 2020, indicando que as competencias da área de educación dos concellos asignadas por lei estatal e autonómica, cínguense ás seguintes:

O mantemento, conservación e reparación dos edificios e equipamentos escolares, consumos, limpeza diaria e saneamento, conserxería e vixilancia dos centros, e reparacións menores e melloras nas instalacións dos centros.

A maiores, e como consecuencia da pandemia Covid-19, os concellos víronse obrigados a asumir o custo do aumento da limpeza e desinfección dos centros escolares, entre eles o concello de Teo.

Indicamos tamén que segundo establece o artigo 1.3 do Decreto 132/2013 polo que se regulan os comedores escolares dos centros docentes públicos non universitarios dependentes da Consellería: *“A CONSELLERÍA COMPETENTE EN MATERIA DE EDUCACIÓN, PROVERÁ MEDIANTE A MODALIDADE MÁIS CONVINCENTE EN CADA CASO , A PRESTACIÓN DO SERVIZO DE COMEDOR ESCOLAR AO ALUMNADO... ”*.

No mesmo Decreto, a disposición adicional terceira, establece que *“A asunción progresiva pola Concellería con competencias en materia de educación da xestión dos comedores escolares xestionados polas asociacións de nais e pais, se irá facendo pola modalidade de xestión prevista no artigo 2.1.b) e c) do presente decreto (XESTIÓN INDIRECTA , pero xestionado pola Xunta)”*.

De acordo co exposto, e en aras de dar unha pronta solución á problemática xurdida, contactouse dende a Concellería de educación do Concello de Teo, coa Secretaría Xeral Técnica da Consellería de Educación, informando esta que previa unha solicitude presentada polo centro ante esa Secretaría, sería a Xunta de Galicia a que se faría cargo

da xestión do comedor, e por tanto o servizo seguiría existindo no centro, ca finalidade de contribuír á conciliación da vida familiar e laboral das familias.

A través dun escrito no mes de Agosto, a Concellería de Educación puxo en coñecemento da ANPA do CEIP Os Tilos a necesidade de presentar a solicitude de forma inmediata á Xunta para que esta asuma a xestión do comedor escolar.

O Concello de teo entende que esta solución, a xestión do comedor pola administración competente, mantería a Igualdade entre centros, e paliaríase a discriminación existente entre o alumnado das distintas zonas do concello, xa que os 3 centros educativos pasarían a ter xestionado o servizo de comedor pola Consellería de Educación.

Temos constancia de que dende a ANPA se iniciaron os trámites pertinentes ante a Consellería para solicitar a xestión do comedor.

Neste intre, e unha vez apercibidos pola ANPA da demora na resposta por parte da Consellería, en con data 23 de decembro de 2020, poñémonos en contacto co servizo de comedores da Xunta en varias ocasións, nas que nos xustifican a demora en diversas circunstancias organizativas como cambios de persoal, en que están pendentes dunha reunión, etc.

Durante estas conversacións telefónicas, dende o servizo de comedores da Consellería, indícanos a posibilidade de asinar un convenio por 2 anos, pero sen garantías de que unha vez transcorrido este prazo sería a Consellería a que asumise a xestión do comedor.

Dende esta Concellería, declinamos dita posibilidade, xa que entendemos que é a Xunta a administración responsable da xestión dos comedores escolares, e lembrándolles que o responsable da demora nesta tramitación está a ser a Consellería, e que a comunidade escolar, precisa que se axilice a tramitación para poñer a funcionar o comedor.

Ante a falta de resposta por escrito por parte da Consellería, decidimos conxuntamente ca ANPA, en data 22 de xaneiro , enviar sendos escritos por Rexistro ao Servizo de comedores, e ao propio Conselleiro de Educación da Xunta de Galicia, solicitando que se fagan cargo con urxencia de dito comedor, e indicando os graves prexuízos que a situación está a provocar na comunidade educativa de dito centro.

Ante esta situación de falta de resposta por parte da entidade competente na materia, en data 8 de febreiro de 2020, solicitamos a celebración do Consello Escolar Municipal con carácter extraordinario para acadar o apoio de toda a comunidade educativa á petición da ANPA Cobas do CEIP Os Tilos.

Asemade, dende a Alcaldía solicitouse unha reunión co Conselleiro de Educación para atopar unha solución a este problema, solicitude á que na data da sinatura desta moción non temos resposta.

E propónse a ADOPCIÓN DO SEGUINTE ACORDO :

Primeiro: Apoiar a solicitude da ANPA do CEIP Os Tilos á Consellería de Educación da Xunta de Galicia, para que xestione dende este curso o comedor de dito centro, en cumprimento das súas competencias recollidas na normativa vixente.

Segundo: Remitir o presente acordo á Consellería de Educación da Xunta de Galicia así como ao Presidente da Xunta de Galicia.



Grupo Municipal Son de Teo



Grupo Municipal Psde G-PSOE